




Grantiau'r Celfyddydau i Unigolion Creadigol Proffesiynol

Ymchwil a Datblygu



Mae'r Cyngor yn ymrwymedig i ddarparu gwybodaeth mewn print bras, Braille, Arwyddeg Prydain, Hawdd eu Darllen ac ar awdio. Ceisiwn ddarparu gwybodaeth mewn ieithoedd ar wahân i'r Gymraeg a'r Saesneg ar gais.

Gweithredwn [Bolisi Cyfle Cyfartal](#).

Ymchwil a Datblygu

Pwrpas

Cefnogi cydweithio er mwyn archwilio a datblygu syniadau newydd a ffyrdd newydd o weithio.

Beth rydyn ni am ei gyflawni

Gall gwaith ymchwil a datblygu gael effaith sylweddol ar arferion creadigol. Gall unigolion creadigol proffesiynol ar bob cam yn eu gyrfa elwa ar hyn, ac mae hyn yn gallu cyfrannu at ddatblygiad pob math o gelfyddyd.

Rydyn ni am gynorthwyo prosiectau ymchwil a datblygu cydweithiol a fydd yn ehangu ac yn cryfhau eich arferion creadigol ac yn helpu i adeiladu partneriaethau fydd yn caniatáu i'ch syniad creadigol ddwyn ffrwyth.

Gall cam ymchwil a datblygu priodol fod yn gam cyntaf wrth wireddu syniad gwych. Mae diddordeb gennym gynorthwyo prosiectau cydweithiol ar draws pob math o gelfyddyd sy'n gallu sbarduno gwaith newydd, neu fwydo ein gweledigaeth ar gyfer y celfyddydau yng Nghymru mewn ffordd neilltuol. Ac oherwydd natur y gwaith ymchwil a datblygu, ni fyddwn ni'n disgwyl bod yna ganlyniad diffiniedig bob tro.

Rhaid i botensial y syniad creadigol fod wrth galon eich cynnig. Nid oes ofn arnom gymryd risgiau os oes modd eu cyfiawnhau – ac rydyn ni am i'r unigolion creadigol proffesiynol rydyn ni'n eu hariannu wneud hynny hefyd. Byddwn ni'n disgwyl i chi fynd y tu hwnt i'ch arferion creadigol arferol eich hun.

Wedi dweud hynny, dydyn ni ddim am fod yn gyfarwyddol, ac rydyn ni am glywed gennych am eich prosiectau ymchwil a datblygu a fydd yn gwneud gwahaniaeth gwirioneddol i arferion creadigol eich sefydliad.

Prosiectau na fyddwn yn eu cefnogi

Ni fyddwn yn cynorthwyo ceisiadau i brynu amser i ffwrdd o'ch gwaith arferol.

Beth fydd ei hangen gennych chi

Rhaid i'ch prosiect gynnwys o leiaf dau unigolyn (neu unigolyn a sefydliad) yn cydweithio i ddatblygu arferion a syniadau creadigol.

Gall prosiectau gynnwys y cyfle i gyflwyno gwaith sydd ar y gweill i'w brofi gyda chynulleidfa neu gyda darpar-hyrwyddwyr neu fudd-ddeiliaid os yw hynny'n briodol. Yn yr achosion hyn, byddem yn disgwyl i chi sefydlu cynlluniau i ddenu pobl i'r perfformiadau, yr arddangosfeydd neu'r achlysuron dangos hynny.

Byddwn yn disgwyl i ddenu canmoliaeth adolygwyr neu adborth fod wrth galon eich cynnig. Gellid gwireddu hyn trwy weithio gyda mentor, sefydliad partner neu trwy rannu gwaith gyda phobl sy'n gweithio'n broffesiynol yn y diwydiant, er enghraifft.

Ni ddylech gychwyn unrhyw brosiect ymchwil a datblygu ag unrhyw syniadau parod o ran a fydd yna gam nesaf yn eich prosiect, neu beth fyddai natur y cam hwnnw. Byddwn ni'n disgwyl i chi adael cyfnod rhesymol o amser i adolygu ac ystyried y canfyddiadau cyn cyflwyno unrhyw geisiadau pellach am gyllid i ni.

Mae rhagor o wybodaeth yn ein Nodiadau Cymorth am geisiadau Ymchwil a Datblygu, a bydd y rhain yn eich helpu wrth lenwi'ch ffurflen gais.

Pwy gaiff wneud cais

Cewch wirio eich bod yn gymwys i wneud cais trwy ddarllen ein dogfen [Cychwyn Arni](#).

O gyflwyno cynnig ymchwil a datblygiad, bydd yn rhaid ichi gydweithio ag artistiaid a/neu sefydliadau eraill. Rhaid ichi gymryd yr awenau a chyfrifoldeb am reoli'r broses ymgeisio, unrhyw arian a ddyfernir ac adroddiadau a cheisiadau am wybodaeth oddi wrth Gyngor Celfyddydau Cymru.

Y Cyllid sydd ar Gael

Gallwch wneud cais am rhwng £250 a £3,000. Gallwch ymgeisio am hyd at 90% o gyfanswm costau cymwys y prosiect.

Pryd cewch wneud cais

Nid oes dyddiad cau ar gyfer grantiau bach, ond bydd angen i chi ganiatáu o leiaf chwech wythnos gwaith rhwng dyddiad cyflwyno'ch cais a'r dyddiad pan rydych am gychwyn eich prosiect.

Bydd ein rhaglen Grantiau Bach yn cau dros-dro tra ein bod yn adolygu sut yr ydym yn dosbarthu arian Loteri. Y dyddiad olaf byddwn yn derbyn ceisiadau Grantiau Bach fydd Dydd Mercher, 10^{fed} o Orffennaf 2019 am 5pm. Caiff benderfyniadau eu cyfathrebu erbyn Dydd Mercher 31^{ain} o Orffennaf 2019.

Pa mor aml y cewch wneud cais

Gallwch ddal un "grant byw" o'r maes gwaith hwn a maes gwaith arall o *Grantiau'r Celfyddydau ar gyfer Unigolion Creadigol Proffesiynol* mewn unrhyw gyfnod o ddeuddeg mis. Rydyn ni'n defnyddio'r ymadrodd "grant byw" i olygu cais am brosiect a gafodd cyllid gennym ac sy'n dal i fod ar waith. Rydyn ni'n defnyddio dyddiad dechrau'r prosiect cyntaf sy'n cael ei ariannu gennym i gyfrif y cyfnod o deuddeg mis.

Cysylltwch â'n Tîm Grantiau a Gwybodaeth os ydyn ni wedi rhoi grant i chi o'r blaen a'ch bod chi'n ansicr a ydych chi'n gymwys i wneud cais eto nawr.

Sut i wneud cais

Rhaid ichi drafod eich prosiect gyda ni cyn inni anfon ffurflen gais atoch.

Os oes gennych brosiect y credwch y gallai fod yn gymwys dan y maes ariannu hwn, e-bostiwch eich syniadau prosiect i: datblygu@celf.cymru

Cofiwch gynnwys y manylion canlynol:

- eich enw
- teitl y prosiect
- disgrifiad o'ch prosiect
- faint o arian sydd arnoch ei angen?
- lleoliad y prosiect

Rhaid cyflwyno ceisiadau gan ddefnyddio ein system ymgeisio ar-lein. Os na allwch gyflwyno'ch cais ar-lein, er enghraifft, os ydych chi'n anabl neu os nad oes cyfrifiadur ar gael i chi, cysylltwch â'n Tîm Grantiau a Gwybodaeth. Byddwn ni'n gweithio gyda chi i ddod o hyd i ddull eraill o wneud cais.

Gallwn eich cynorthwyo hefyd os nad Cymraeg neu Saesneg yw eich iaith gyntaf.

Oes angen rhagor o gyngor arnoch?

Mae gennym Daflenni Gwybodaeth a dogfennau canllaw i'ch helpu chi gyda gwahanol agweddau ar y broses o ymgeisio, neu i ddarparu cyngor ar faterion penodol. Mae'r rhain ar gael ar ein gwefan. Efallai y bydd y canlynol o ddefnydd wrth i chi baratoi'ch cais ar gyfer y maes gwaith Ymchwil a Datblygu:

- Defnyddio ein system ymgeisio ar-lein
- Y Nodiadau Cymorth ar gyfer Ymchwil a Datblygu

Os oes gennych ragor o gwestiynau am y cais, ffoniwch ein tîm Grantiau a Gwybodaeth ar 0845 8734 900 neu e-bostiwch: grantiau@celf.cymru